



Obrtnička komora
BPK-a Goražde

Obrtnička komora Bosansko-podrinjskog kantona Goražde
Sinan Paše Sijerčića br.19, 73000 Goražde; Tel/fax +387 38 221 494; okgo@bih.net.ba;
www.okbpk.com; ID broj 4245053320004; Union banka d.d. 1020070000024609

PROGRAM RADA

**Obrtničke komore BPK Goražde
za 2010.godinu**

SADRŽAJ

1. Podaci o Obrtničkoj komori Bosansko-podrinjskog kantona Goražde;

2. Uvod ;

3. Planirane aktivnosti za 2010.godinu :

- Održavanje kancelarije Komore
- Aktivnosti organa Komore
- Članstvo u Obrtničkoj komori BPK-a
- Učešće u radu Federalne komore i Međukomorska suradnja
- Saradnja sa lokalnim organima vlasti
- Kupovina poslovnog prostora
- Usklađivanje Statuta Komore i novog Zakona o obrtu i poduzetništvu FBiH
- Ažurirati bazu podataka o registriranim obrtima u BPK-a
- Saradnja sa udruženjima iz oblasti obrta
- Ostvariti suradnju sa srednjim stručnim školama na području Kantona u organiziranju polaganja majstorskih ispita i prekvalifikaciji obrtnika
- Održavati kontakte sa obrtnicima
- Saradnja sa poslovnim bankama, osiguravajućim društvima, fondacijama
- Edukacija članova/obrtnika
- Škola poduzetništva
- Medijsko oglašavanje
- Posjeta i učešće na sajmovima
- Pomoć članovima Komore
- Implementacija poticajnih sredstava
- Događivati unutrašnju strukturu Komore, a u skladu sa zahtjevima poslova i zadacima koji su planirani
- Starati se o revitalizaciji i zaštiti starih i umjetničkih zanata
- Prijavljivanje na Javne natječaje
- Izvori finansiranja

4. Zaključak

1. Podaci o Obrtničkoj komori Bosansko-podrinjskog kantona Goražde

Ime organizacije : Obrtnička komora Bosansko-podrinjskog kantona Goražde

Sjedište : Sinan paše Sijerčića br.19

Pravni status : Djelatnost poslovnih udruženja (Komora)

Web stranica : www.okbpk.com

E mail adresa : www.okgo@bih.net.ba

Kontakt osoba: Ahmed Popović – Predsjednik Komore 061/271- 379

Kontakt osoba : Muamer Uhot- sekretar Komore 038/ 221-494, 061/246-596

ID broj : 4245053320004

Obrtnička komora Bosansko-podrinjskog kantona Goražde je:

- Samostalna,
- Nevladina,
- Javno-pravna,
- Stručno-poslovna organizacija, koja okuplja obrtnike Bosansko-podrinjskog kantona Goražde.

Formirana aprila 2007. godine na osnivačkoj Skupštini sa 15 / petnaest/ obrtnika, te u maju 2008. godine održala prvu izvještajnu Skupštinu, a u Maju 2009 redovnu izvještajnu Skupštinu.

Aktivnosti Komore:

- zastupa i štiti interese obrtnika pred kantonalnim, Općinskim i višim strukturama vlasti, daje primjedbe i prijedloge kod donošenja propisa od interesa za obrtnike, sudjeluje u radu radnih grupa kod izrade zakonskih i podzakonskih prijedloga, pomaže svojim članovima pri registraciji, vođenju obrta, otvaranju računa kod poslovnih banaka, obavlja sve potrebne radnje po pitanju obrazovanja i osposobljavanja za potrebe praktičnog djela obrazovanja, osniva komisije za polaganje majstorskih ispita, vodi evidenciju obrtnika i udruženja obrtnika i drugo.

- U suradnji sa organima vlasti angažuje se na slijedećim zadacima: inicira razvojene projekte u svrhu otvaranja novih obrtničkih radionica, očuvanje starih tradicionalnih zanata, očuvanje kulturne baštine BiH obrtništva, organizuje izložbe, sajmove i prezentacije obrtništva kako u zemlji tako i inostranstvu, podstiče razvoj tehnoloških parkova i zantskih centara za potrebe obrta, izrađuje etičke kodekse ponašanja obrtnika u Kantonu, radi na razvoju poreskog sistema i njegovom prilagođavanju poslovanju obrtnika i ostale poslove u skladu sa Zakonom o obrtu i svojim poslovnim aktivnostima.

2. Uvod

Obrtnička komora Bosansko-podrinjskog kantona Goražde od svog osnivanja pa do danas izrasla je u jednu ozbiljnu i uspješnu instituciju o kojoj svjedoče brojni rezultati njenog rada i postojanja.

Nakon njenog osnivanja u aprilu 2007.godine, Komora je napravila značajne rezultate u svom djelovanju a to se ogledalo prije svega u zastupanju i zaštiti interesa njenih članova/obrtnika kod viših organa vlasti što je i sama svrha Komore.

U toku prethodne godine Obrtnička Komora Bosansko-podrinjskog kantona Goražde je napravila značajan napredak a to se ogleda prije svega u ostvarivanju ranije zacrtanih aktivnosti i to:

- Uspostvaljena je i proširena saradnja sa predstavnicima lokalnih vlasti prije svega Ministarstvom privrede BPK-a, Kantonalnim uredom za inspeksijske poslove, općinama itd.,
- Redovno su se održavale sjednice organa Komore, kao i učešće na svim sastancima organa Federalne komore
- Članstvo u komori je znatno povećano,
- Na dobrom je putu da u toku 2010.godine se riješi i pitanje kupovine poslovnog prostora,
- Komora se kadrovski ojačala,
- Podijelila je svojih 20.000,00 KM sredstava za podsticaj članovima Komore,
- Održan je niz seminara i edukacija iz različitih oblasti,
- Uspješno je realizirana implementacija utroška sredstava poticaja za 2009.god
- Danas Obrtnička komora ima i svoju web stranicu što je čini jednom od rijetkih Komora u našoj zemlji koja ima svoju redovno ažuriranu stranicu,
- U više navrata je pomagla članovima kroz finansijsku i druge vidove pomoći,
- Uzela je učešće na sjamovima i na taj način reprezentovala obrtnike našeg kantona,
- Izradila je Obrtnički katalog,
- Komora je bila inicijator projekta prekvalifikacije i obuke nezaposlenih osoba čime je doprinjela smanjenju nezaposlenosti na našem Kantonu,
- Redovno se oglašavala putem svih medija,
- Održavala je press konferencije kako bi svoje članove upoznala sa primjenom novog Zakona o obrtu,
- Uspostavila je dobru saradnju sa drugim udruženjima i organizacijama koji se tiču obrta i poduzetništva kao i drugim nevladinim organizacijama,
- Aktivno radi na aktivnostima da svojim članovima/obrtnicima obezbjedi bolje uslove za obavljanje njihovih obrta (smanjenje komunalnih taksi, zaštiti starih i deficitarnih zanata, suzbijanju rada na crno itd)

Obrtnička komora Bosansko-podrinjskog kantona Goražde će i u toku 2010.godine raditi na ostvarivanju novih zacrtanih ciljeva a sve u svrhu stvaranja pogodnih uslova za razvoj obrta na našem području a i šire.

3. Planirane aktivnosti za 2010.godinu

3.1. Održavanje kancelarije Komore

Pod održavanjem kancelarije Komore podrazumjeva se osmočasovna otvorenost kapaciteta Komore, tj stalni kontakt, komunikacija i pružanje usluga svojim članovima gdje na raspolaganju stoji sekretar Komore.

Rad i aktivnost sekretara se ogleda u : kompletnim administrativnim poslovima oko pripreme i održavanja sjednice, knjigovodstvene i bankarske usluge, te izrada i sprovođenje predloženih projekata i programa.

Za realizaciju gore navedenih aktivnosti sekretar komore će zajedno sa ostalim saradnicima dati svoj doprinos u njihovoj realizaciji sukladno aktima Komore i po nalogu predsjednika Komore.

3.2. Aktivnosti organa Komore

Pod aktivnostima Komore se podrazumjeva slijedeće:

- **Skupština** – održati sjednicu najmanje jedanput godišnje kako je to predviđeno Statutom i Pravilnikom (Maj/Juni 2010.god.)
- **Upravni odbor** – Održati dvanaest sjednica u toku godine na kojima će: vršiti analize mjesečnog rada, donositi potrebne odluke i zaključke, utvrditi prijedloge za Skupštinu komore, provoditi odluke, zaključke i preporuke Skupštine.
- **Nadzorni odbor** – održati najmanje jednu sjednicu u toku godine, na kojima treba razmatrati ostvarivanje financijskog plana, provođenje Statuta i drugih akata, ostvarivanje prava i dužnosti članova komore.
- **Sud časti** – po potrebi održati sjednicu.
- **Predsjednik i podpredsjednici Komore** - Vršit će predstavljanje i zastupanje komore, sprovođenje odluke i zaključke i druge akte Skupštine, Upravnog odbora i Nadzornog odbora, pratiti izvršenje ovog programa.

3.3. Članstvo u Obrtničkoj komori

U periodu od osnivanja do danas broj članova Komore je kontinuirano rastao. Sredinom prošle godine Komora je imala 100 članova a njen broj se svakog dana povećavao tako da danas imamo oko 130 aktivnih članova. Prema završnim finansijskim računima za 2009.godinu, procenat naplaćenih članarina za prošlu godinu je bio oko 70% od planiranih čime možemo biti zadovoljni. U tom periodu od 2007- 2010god. članarina je bila na dobrovoljnoj osnovi, dok donošenjem novog Zakona o obrtu koji je počeo sa primjenom od 01.01.2010.godine se očekuje relativno veći priliv sredstava od uplate članarine s obzirom da je ona obavezna za svakog člana.

U narednom periodu Komora će se baviti animiranjem obrtnika koji još uvijek nisi formalno pristupili Komori da se učlane i popune Pristupnice čime i službeno postaju

članovi Komore a samim pristupom će biti dio naše institucije koja će štiti njihove interese i zastupati ih na svim poljima koja se tiču obrta što će rezultirati stvaranju povoljnog tla za očuvanje i dalji razvoj obrtništva na našem području.

3.4. Učešće u radu Federalne komore i Međukomorska saradnja

Kao i do sada Obrtnička komora Bosansko-podrinjskog kantona Goražde je aktivno učestvovala na svim sjednicama organa Federalne komore i učestvovala u donošenju njenih odluka. I u narednom periodu ćemo uzeti aktivno učešće u radu Federalne komore i u radu njenih tjela.

Jedan od ciljeva u narednom periodu je i uspostavljanje saradnje sa ostalim kantonalnim komorama na nivou Federacije kao i na nivou drugog entiteta čime bi se ostvarili i poboljšali kontakti, organizirale međusobne posjete, razmjenila iskustva i ideje koji bi doprinjeli ostvarivanju zajedničkih interesa.

3.5. Saradnja sa lokalnim organima vlasti

U prethodnoj godini smo napravili značajan napredak u saradnji sa organima vlastima kako na općinskim tako i na kantonalnom nivou.

Taj napredak se prije svega ogleda kroz uspostavljanje dobre saradnja sa Ministarstvom privrede BPK-a koji nas je prihvatilo kao ozbiljnog partnera.

Na naš zahtjev Općinama, od prošle godine smo počeli uredno dobijati Rješenje o otvaranju i zatvaranju obrtničkih radnji što nam olakšava u samom vođenju evidencije o broju registriranih obrtnika.

Za ovu godinu naše aktivnosti bi se ogledale prije svega u nastavku i poboljšanju saradnje sa Ministarstvom privrede BPK-a i Ministarstvom obrazovanja BPK-a preko kojeg će se organizirati polaganje majstorskih ispita, isto tako ćemo pokušati poboljšati saradnu i sa ostalim ministarstvima kao i sa Kantonalnim uredom za inspeksijske poslove.

Planirane aktivnosti Komore bi se ogledale u slijedećem:

- Uvrštavanje obrta u Budžet općine Goražde,
- Proširenje saradnje sa Ministarstvom za privredu, Ministarstvom obrazovanja, Poreskim uredom, Kantonalnim uredom za inspeksijske poslove

Što se tiče opštinskih vlasti u narednom periodu namjeravamo poduzeti konkretnije korake u poboljšanju saradnje, a to bi se prije svega ogledalo u našem iniciranju da se konačno smanje iznosi za plaćanje komunalnih taksi koje su kod naših obrtnika daleko najviše u FBiH, prisustvo sjednicama općinskog vijeća itd.

3.6. Kupovina poslovnog prostora

Na prošlogodišnjoj Skupštini Obrtničke komore donesena je Odluka o kupovini poslovnog prostora u kojem bi bile smještene prostorije Komore s obzirom da se još uvijek nalazimo u prostorijama pod zakupom Općine Goražde.

Trenutno smo već u odmakloj fazi realizacije te Odluke gdje razmatramo pristigle ponude a sama realizacije te odluke bi trebala biti najdalje do kraja ove godine. Kupovinom poslovnog prostora Obrtnička komora bi riješila pitanje svoga sjedišta a samim tim bi se obezbjedila i mogućnost proširenja kapaciteta Komore kako kadrovskog kroz primanje novih volontera tako i kroz obezbjeđenja većeg prostora za rad s obzirom da smo trenutno smješteni u prostoriji od 20 kvadratnih metara.

3.7. Usklađivanje statuta Komore i novog Zakona o obrtu i poduzetništvu FBiH

Zakon o obrtu obavezuje usaglašavanje akata Komore sa odredbama novog Zakona, zatim formiranje infrastrukture na razini Kantona i općina. Potrebno je formirati općinska udruženja obrtnika u svim općinama i strukovna udruženja gdje za to postoje uvjeti. Poseban akcenat dati na članstvo i način ubiranja članarine koja je po zakonu obavezna za sve obrtnike. Obzirom da Zakon dozvoljava učlanjenje i drugih (trgovačka društva, ugostiteljstvo, pravna lica koja se bave obrtom), potrebno je angažiranje na tom planu, a prvenstveno sa ponudom potencijalnim članovima.

Planiramo isto tako uzeti aktivno učešće u kreiranju Zakona o osnovnim i srodnim djelatnostima na nivou Bosansko-podrinjskog kantona.

3.8. Ažurirati bazu podataka o registriranim obrtima u BPK-a

Da bi smo imali što tačnije statističke podatke o broju registriranih obrtnika u našem Kantonu planiramo da u narednom periodu napravimo jedan Registar obrtnika Bosansko-podrinjskog kantona Goražde s obzirom da je postojeći izrađen 2008. godine a od tada do danas je registrovano veliki broj novih obrta kao i to da su mnoge obrtničke radnje ugasile svoj obrt.

U okviru tog registra ćemo utvrditi tačan broj obrtnika, broj zaposlenih kao i njihove finansijske rezultate, iznos poreza i doprinosa koji plaćaju državi itd.

3.9. Saradnja sa udruženjima iz oblasti obrta i srodnih djelatnosti

Prema neslužbenim podacima u našem gradu postoji oko desetak udruženja koji okupljaju svoje članove a koji se tiču obrta.

Po novom Zakonu o obrtu u obrt se svrstavaju razne djelatnosti koje dosad nisu bili svrstavane u obrtništvo kao npr. ugostiteljstvo, prevoznici, notari, advokati itd.

Na name je u narednom periodu obaveza da ta udruženja animiramo i informišemo ih da „moraju“ biti članovi Komore. Trenutno imamo samo jedno udruženje kao dio Komore a to je Udruženje „Stari zanati“ Goražde.

3.10. Ostvariti saradnju sa srednjim stručnim školama na području kantona u organiziranju polaganja majstorskih ispita i prekvalifikaciji obrtnika

U protekloj godini Obrtnička komora je ostvarila saradnju sa Srednjom stručnom školom „Džemal Bijedić“ u Goraždu gdje je putem projekta „Prekvalifikacije i obuke“ čiji je nosilac bila Komora organizovala prekvalifikaciju nezaposlenih osoba sa Zavoda za zapošljavanje i time doprinjela da 60 mladih osoba se prekvalifikuju u zvanje „bravar“ i „varioc“ i time dobiju zaposlenje i skinu sa tereta države.

Ovu aktivnost planiramo nastaviti raditi i u 2010.godini gdje bi po potrebi poslodavaca i obrtnika u saradnji sa Zavodom za zapošljavanje, Ministarstvom obrazovanja BPK-a i Srednjom stručnom školom organizovali polaganje majstorskih ispita, prekvalifikaciju, dokvalifikaciju i obuku mladih i nezaposlenih ljudi i time doprinjeti smanjenju nezaposlenosti.

3.11. Održavati kontakte sa obrtnicima

Svrha postojanja Obrtničke komore je zastupanje interesa njenih članova kao i pružanje podrške i pomoći kroz savjetovanje, informisanje, edukaciju itd.

Obrtnička komora je stalno u kontaktu sa svojim obrtnicima bilo da je to informisanje putem interneta, telefonom, putem medija i lično.

Prilikom izlaska novog konkursa ili natječaja, Zakona ili nekih drugih podzakonskih akata Komora obavještava svoje obrtnike o tim novostima putem gore navedenih sredstava. Također Komora je tu i da pomogne svojim članovima i kroz savjetovanje i pružanje raznih vidova pomoći kod recimo popune aplikacija i pisanja projekata.

Trenutno je aktuelno posredovanje Komore između obrtnika i kvalifikovanih inženjera pri polaganju ispita iz oblasti zaštite na radu i ostale potrebne procedure koje naloži Kantonalni ured za inspeksijske poslove Goražde.

3.12. Saradnja sa poslovnim bankama, osiguravajućim društvima, fondacijama

Obrtnička komora u svom radu nastoji olakšati obrtnicima pri nabavci potrebnih kreditnih sredstava kod lokalnih banaka time što im se obraća kao predstavnik svih obrtnika gdje bi im na taj način olakšali pristup kreditnim sredstvima pod što povoljnijim uslovima.

Također, isto tako planiramo kontaktirati i Osiguravajuća društva gdje bi tražili određene popuste kod registracije automobila, životnog osiguranja itd, gdje bi pri tome svi naši članovi koristili usluge onog ponuđača sa najpovoljnijim uslugama

3.13. Edukacija članova/obrnika

Samo u toku prošle godine Obrtnička komora BPK-a Goražde je održala 6 seminara na temu Popune aplikacija i pisanja projekata pri apliciranju na Javne natječaje a sve u svrhu edukacije svojih članova.

Tu praksu smo nastavili raditi i ove godine tako da smo do sada već organizovali 3 seminara iz oblasti „pisanja projekata“ kao i iz oblasti „zaštite na radu“.

U narednom periodu ćemo nastaviti organizovati seminare i iz drugih oblasti i to:

- Kako izlagati na sjamovima
- Izrada deklaracija i etiketa
- Udruživanjem do uspjeha
- Finansijsko ekonomsko poslovanje u obrtu
- Obrt i obaveze prema državi
- Zakon o potrošačima
- Edukacija iz poreskih i revizorskih usluga
- Zakon o radu i kolektivnim ugovorima itd.

Na tim seminarima ćemo pokušati dovesti eminentne predavače kako iz našeg kantona tako i iz drugih kantona.

3.14. „Škola poduzetništva“

Da bi smo povećali interesovanje ljudi za pokretanje novih obrta i samim tim zapošljavanju novih radnika u narednom periodu ćemo pokušati organizovati višednevnu „Školu poduzetništva“ gdje bi na jednom mjestu svim zainteresiranim osobama koji imaju namjeru da pokreću neki novi obrt obezbjedili edukaciju i potrebne informacije šta je to sve potrebno uraditi i znati da bi se pokrenuo jedan obrt kao i informisati ih o svim pravima i obavezama koje imaju nakon pokretanja biznisa/obrta.

Obrtnička komora bi bila nosioc jednog takvog projekta gdje bi uz saradnju sa nadležnim ministarstvom i drugim organima vlasti organizovala i izfinansirala jedan takav projekat a sve u cilju edukacije početnika u vođenju obrta, konsultantski rad sa svakim obrtnikom gdje bi za te potrebe angažovala ugledne i renomirane predavače.

3.15. Medijsko oglašavanje

Da bi naš rad i aktivnost na području Bosansko-podrinjskog kantona i šire što bolje primjetio, a našim obrtnicima pružili sve potrebne informacije, Obrtnička komora će se nastojati oglašavati putem sredstava medija i to:

- Elektronskoj formi (radio, televizija)
- Putem interneta (web stranica Komore www.okbpbk.com)
- Pisanoj formi (novine, časopisi)
- Plakati, brošure, katalozi itd.

3.16. Posjete i učešće na sajmovima

Radi što bolje promocija Obrtničke komore i samog obrta sa našeg kantona potrebno je među obrtnicima razvijati svijest o potrebi prezentacije svojih proizvoda na sajmovima.

Učešće na sajmovima doprinosi uspostavljanju saradnje sa drugim obrtnicima sa drugih prostora, vrši se direktna prezentacija obrta, otvaranju novog tržišta za rad i prodaju svojih proizvoda i usluga.

S obzirom da je vrijeme recesije, Obrtnička komora Bosansko-podrinjskog kantona će se uglavnom fokusirati na sajmove koji će održati na području našeg kantona konkretno „Dani meda“ i „Dani jabuke“, a ukoliko se pokaže interes naših obrtnika za sajmove van kantona onda ćemo po mogućnosti pokušati obezbjediti učešće na nekom od sajмова izvan Goražda.

3.17. Pomoć članovima komore

Obrtnička komora prije svega postoji da bude u službi svojim članovima, a posebno onima koji pošteno obavljaju svoju djelatnost, redovnu plaćaju članarinu i izmiruju obaveze prema državi.

Prema tome je Komora, u svom dosadašnjem radu svaki put izlazila u susret svojim članovima pri registraciji, vođenju obrta, otvaranju računa kod poslovnih banaka, pružanju finansijske pomoći, obavljala aktivnosti po pitanju obrazovanja i osposobljavanja za potrebe praktičnog djela obrazovanja, vodila evidenciju obrtnika i udruženja obrtnika i drugo.

Samo tokom ove godine prilikom raspisivanja Javnog poziva za podsticaj 2010.god Komora je na zahtjev i potrebu članova/obrnika uradila 25 Projekta.

Prilikom smrti ili bolesti nekog od naših članova-obrnika, Komora pomaže njima kroz određenu moralnu i finansijsku podršku.

Sve ovo navedene a i druge aktivnosti Komora će nastaviti obavljati i u narednom periodu a sve u cilju stvaranja povoljnih uslova za održavanje, razvoj i jačanje obrtništva na našem kantonu.

3.18. Implementacija poticajnih sredstava

S obzirom da Obrtnička komora još uvijek zavisi od grant sredstava koje dobija od Federalnog ministarstva razvoja, poduzetništva i obrta kao i Ministarstva privrede BPK-a kao jedan od osnovnih izvora finansiranja, Komora će uredno i na vrijeme dostavljati izvještaje o utrošku sredstava po ovim programima.

Ta sredstva će obavezno investirati u aktivnosti koje je navela u u svom aplikacionom programu a ona se prije svega odnose na : održavanje rada kancelarije, kupovina poslovnog prostora, organizovanje seminara, „Škola poduzetništva“, medijsko oglašavanje, učešće na sajmovima itd.

3.19. Događivati unutrašnju strukturu Komore, a u skladu sa zahtjevima poslova i zadacima koji su planirani

U svom narednom radu Komora ima za cilj očuvanje postojećih kao i razvoj dosadašnjih kapaciteta Komore.

To bi se ogledalo prije svega u prijemu na rad dva nova volontera sa VSS koji bi doprinjeli razvoju Komore kao i cjelokupnog obrtništva a jedan od planova bi u skorašnjem periodu trebao biti i formiranje „Stručne službe“ koji bi našim obrtnicima pružao usluge iz oblasti knjigovodstva kao i ostale konsultantske usluge.

3.20. Starati se o revitalizaciji i zaštiti starih i umjetničkih zanata

Proces industrijalizacije doveo je do odumiranja većine zanata kojima se nekada ponosila naša čaršija. Tako su stoljećima održavani i prenošeni s generacije na generaciju, stari zanati u ovoj zemlji gotovo iščezli.

Obrtnička komora će naravno koliko god to bude u njenoj mogućnosti pokušati doprinjeti očuvanju postojećih starih zanata na našem kantonu bilo kroz traženje poreskih olakšica ili neki drugi vid zaštite interesa zanatlija, jer se nadamo da je i naša društvena zajednica postala svjesna značaja tradicionalnih zanata radi očuvanja naših duhovnih i materijalnih vrijednosti, jer zanat spada u materijalno i nematerijalno nasljeđe.

3.21. Prijavljivanje na Javne natječaje

Obrtnička komora BPK Goražde će kao i do sada uzeti aktivno učešće u prijavljivanju na Javne natječaje koje raspisuje Federalno ministarstvo razvoja, poduzetništva i obrta, Ministarstvo za privredu BPK Goražde kao i na druge natječaje u kojima se može pronaći.

3.22. Izvori finansiranja

Osnovni izvor finansiranja Obrtničke komore BPK-a će biti putem grantova koji se dodjeljuju od strane Federalnog ministarstva razvoja, poduzetništva i obrta; Ministarstva za privredu BPK Goražde.

Jedan od značajnih izvora finansiranja u narednom periodu bi trebao i biti putem naplate članarine koji je po novom Zakonu o obrtu i srodnim djelatnostima obavezan za sve obrtnike. U narednom periodu ćemo pokušati da kroz izradu projekata i apliciranje kod raznih fondova obezbjedimo određeni iznos novčanih sredstava potrebnih za jačanje institucija Komore.

4. Zaključak

Obrtnička komora Bosansko-podrinjskog kantona Goražde na čelu sa svojim menadžementom smatra da su sve gore navedene aktivnosti realno izvodljive i korisne ne samo za Komoru već i za sve obrtnike kao i našu društvenu zajednicu.

Nadamo se da ćemo uz naše zalaganje i uz pomoć organa vlasti na svim nivoima moći provesti i realizirati sve planirane aktivnosti i time doprinjeti opstanku i razvoju obrta i obrtnika na našem kantonu kao bitnom elementu u razvoju našeg kantona i države, a posebno prilikom ulaska u Evropsku uniju u kojoj je itekako razvijen obrt i samo poduzetništvo.

Također prvi put se program rada zasniva i na obaveznosti članstva, te se nadamo da će u 2010. godini prihod od članarine biti značajan.

Goražde 2010.godine